



kat.komp.

22074

III

Mag. St. Dr.

P

phannus

gustopus ... alensis

Maurkovic Valent. joan: Imago heroicorum
virtutum eximiorumque in patriam merito-
rum-

PANEG. et VITAE

Polon. Fol.

.E.1592

I

H

E

D.

A M

W

E

Et d'un

PO

M

Francis

M. VA

A

I M A G O
HEROICARVM
VIRTUTUM

Eximiorumq; in Patriam meritorum.

In

Illustrissimo ac Reuerendissimo Domino,

D. STEPHANO
A MAGNO CHRZASTOWO
WIERZBOWSKI

DEI & Apostolicæ Sedis Gratiâ
EPISCOPO POSNANIENSI

Veris collucens Coloribus,

Et dùm idem ILLUSTRISSIMVS ANTISTES,
POSNAM Maioris Poloniæ, & Episcopatus POSNA-
NIENSIS Sedem primariam, inter votiuas gratulantium
acclamationes, & Solennes bene precantium ap-
plausus ingrederetur; in signum debitæ
obseruantia Academicæ;

*Francisco Anstado Amdt et Lhd Baczaneco gratitudinis ergo Author dedicat.
18. Nouembrii A.D. 1663.*

M. VALENTINO IOANNE MAZVRKOWIC,
Philosophiæ Doctore, & in Alma Vniuersitate
Crac; Professore, Panegyrica gratulatione
ADVMBRATA.

ANNO Salutis M. DC. LXIV.

CRACOVIAE


Apud Viduam, & Hæredes Francisci Cezarij, S. R. M. Typ.

IN GENTILITIVM STEMMA.




*E solea gremio cur se Crux librat in altum
 Nuper Pieridum quærere visa cohors.
 Pars ait, est mentis certissima Prasulis index
 Quæ semper valido surgit ad alta gradu.
 Ast alia Soleam vim Prasulis esse loquuntur
 Sustinet immixtas quæ generosa Cruces.
 Audiit hæc bifido residens in vertice Phæbus
 Sicque suo litem, leniit ore libens:
 Prasulei hoc signo, stadium monstratur honoris,
 Celsior it terris; nam sibi in astra via est.*

ANDREAS de Stradomia STRADOMSKI,
 Eloquen. & Philos. Studiosus.



P A N E G Y R I C V S



I ad immensæ lætitiæ magnitudinem, quâ vniuersorum pectora desideratissimus Tuus impleuit aduentus, mea exigenda esset Oratio, ILLVSTRISSE PRÆSVL: nihil mihi hîc loci relictum putarem, nisi vt exquisitissimæ Te salutantium immixtus pompæ, votis potius & faustis ominibus Tuum aduentum prosequerer: quàm meditatâ aliquâ Oratione, vbertatem exundantis gaudij, publicæque hilaritatis iucundissimam imaginem explicarem. Nam præterquam quod meæ mihi tenuitatis conscius sum, & quis quæso esset tam plenus ingenio, & ingenti eloquij flumine inundatus; tam admirabili verborum & sententiarum facultate, crebrisque Orationis luminibus illustrato, & quasi exaggerato altiùs sermone instructus; qui non hîc sub onere publici gaudij laberetur, suasque vires enarrandæ tantæ lætitiæ minus pares fateretur. Intuere quæso læto aspectu cunctorum frontes nouæ amænitate luce illustres, intuere in cuiusque aspectu hilaritatis publicæ decus; obuersabitur certè animo Tuo species hæc iucundissima, quâ cuncti ad Te visendum conuolârunt, felicissimamque hanc lucem consensu quodam publicæ lætitiæ consêcrârunt, quâ Tu multis expetitus votis & desideriis PRÆSVL dignissimus ad illos venis. Occurrit ecce Tibi veneranda Cleri frequentia, suumque Te Ducem, suarû legum vigilantissimum Custodem futurum, officiosissimo cultu veneratur. Occurrit florentissima Nobilitas, Tibique grauissimo Antistiti & Senatori Suo circumfusa, faustissimis acclamationibus, prosperrima quæque vouet, ominatur. Occurrit refertissima Ciuitas, & in contemplando augusto Tuo defixa vultu, quiddam in eo verendum simul & amabile notat, & agnoscit. Occurrit lectissima Studiosa luentus, & suum Sibi Te Patronum aduentare videns, auidissimis Tuæ præsentiae imminet oculis: quibusque nomen Tuum laudibus sit implendum, quo honore carminum, quibus delicijs copiosæ Orationis excipiendum, sollicita meditat. Occurrit densa cuiusque generis hominum multitudo, hancque Tuam splendidam ad primarium Urbis Templû deductionem considerans, tacita cogitat; quænam illa splendoris facies è Cœlo in terras descendat, quæ animum maiori per interualla recurrente voluptate, in sublimes erigat spes attollatque. Ipsa qua latè patet vniuersa Dioecesis suis excita & emota sedibus, ruit in Tuos amplexus: & sicut olim integerrimo Antistite per tristium factorum acerbicatem spoliata, in diuturno luctu & squallore iacuit mæstissimo; ita nunc reuirescit ad Tuum aspectum, rursusque sibi nouam felicitatem, noua fata pollicetur. Ipsæ Templorum Sanctissimæ Aræ, ipsi agri fertiles, campiue patentes, altiùs culmina sua efferunt, nescioque quid sibi augustum accessurum spondent: quia Te ijs aliquan

aliquando tandem *P R Æ S V L E M* infero exoptatum. Non se in omnibus capit ingentis lætitiæ magnitudo, pectorumque angustias dedignata, emanat in superficiem corporis, gaudet ostentatione sui, perituum sibi gaudij fructum reputans, si in abdito tantum tacitæ voluptatis sensu frueretur. In tanta itaque vniuersorū hilaritate, quid est quod à me par adferri possit, cum magnitudo rei alienatam quodam modo extra se mentem rapiat, cum splendor insolitus aciem perstringat ingenij, cum maiestas & amplitudo inusitata de euentu cogat desperare. An hanc ipsam audebo pompam describere, quam non capio? meditatū aliquid & oblectandis auribus aptissimum comminiscar, quod non valeo? sublimis honoris accessionem gratulabor, quā percellor? ad secunda vota & appreciationes me componam, quas ne dinumerare quidem possum. Equidem ut ij, qui somnio turbulento circumfusi, & varijs imaginibus turbati, amisso sanguine vix vocem colligunt: ita percussus cogitatione Tuæ amplitudinis, velut procellâ sideris tactus, quid dicam, quomodo dicam, non inuenio. Sed tamen non vsque eò omnia obstructa & occlusa sunt, ut animo explicando non sit locus. Sæpè etiam res viles sumunt pretium ab animo consecrantis. Nemini fraudi fuit placare *DEVM*, quo tandem modo posset: immò melius aliquando & religiosius *DEVM* veneramur purâ & incorruptâ mente, quàm meditato carmine & donarijs auro fulgentibus. Quâ ratione fretus, imaginem Tibi Tuarum virtutum (ut olim Romanis in triumphis Imperatoriæ fortitudinis depictæ ferebatur effigies) in hoc auspiciatissimo ingressu exhibere decreui, non temerariâ illâ manu & coloribus mox perituris adumbratam, quam traseuntium duntaxat intueantur oculi; sed accuratâ descriptione cum quadam spe perpetuitatis expressam, quam contemplantium animi diutissimè speculentur. Grande quidem & periculosum videbor moliri negotium. Si enim Alexander solus fortunâ suâ maior vniuerso Orbi, cuius Imperio auctus erat, edixit, nequis effigiem suam cælo excuderet, vel penicillo assimilaret: sed vnicus Apelles eam coloribus delinearet, vnicus Lyfippus fingeret; & tamen artificum horum manus, quid quæso exhibebant præter simulacra corporum, ad similitudinem expressa: quanta mihi incumbit cura, qui illum integerrimum Tuum animum, omnium virtutum coloribus mirificè radiantem, illud pectus, feracissimum sani consilij promptuarium, illud os, dulcissimi eloquij viuam scaturiginem, illam virtutum omnium suauissimam harmoniam, Orbi proponere nitor intuendam. Et certè nec ipse diffiteor debiles esse mihi vires, & imbelles lacertorum sinus ad tale onus sufferendum, neq; ignarus sum, omnem audaciam periculosam videri, meam tamen mihi nec malè, nec sine lucro confido successuram. Leniet enim eam religiosum obsequium, quod debitâ veneratone in me accensum, noua quædam & inusitata fiducia consummauit. Cum enim de meo egentissimus sim, de virtutum *P R Æ S V L I S* mei arario spero me facile ditissimū euasurum, ut iam collectis in unam tabellam pulcherrimis eius coloribus abundantissimè habiturus sim, quod & nunc ad augendum pompæ lætitiæ, in publico proferre, & postea in immortalis gloriæ Templo, ad perennem sui nominis conseruationem, dedicare possim. *Hab-*

bet enim hoc magna virtus, ut facile diuturnitatem imbecilliori etiam conciliet Suadæ, & scribingentiū pennas alioquin solui faciles, nouo robore firmet, quibus eius cultores ab inuidiæ nubibus, ad æternitatis sudum eleuati, notitiâ sui in seram transmittant posteritatem, nec mortalitatis suâ sponte abolentis vniuersa, manu prædatrice deleantur. Tu mihi tantum hoc loco **ILLVSTRIS-STRISIME PRÆSVL** inuocandus es, ut patiaris me hoc affectûs obseruantiaq; Academicæ testimonium, non artificii manu, sed officiosâ styli promptitudine elaboratum, Tibi in publica pompa deferre: tantisperq; de sublimi Tua dignitate descendas, quoadusque Te fugientibus verborum lineis adumbratum, Tibi subiecero: in quibus quanta virtute, quibus artibus ad honoris maximi fastigium perveneris, Tu ipse recognoscas, præcedentiū annorum sollicita obseruatrice posteritas videat, suspiciat, & admiretur.

Ac mihi quidem è Cælesti virtutum Tuarum pulchritudine absolutissimam imaginem effingere cupienti, occurrit primus eximius color illibati candoris præcipuo nitore conspicuus, Nobilitas **ILLVSTRIS-SIMI TVI GENERIS**, quâ **DIVINA** benignitas ortum Tuum beâuit, è qua velut è Cælo Te beneficium fidus ad communem hominum demisit voluptatem. Eludant imperiti ut volunt Natalium splendorem, qui quod suas tenebras consolentur, ita de virtute philosophantur, ut splendorem generis, gloriosamq; nominis antiquitatem, è bonis humanis prorsus exterminent: mihi sanè ut Nobilitas eximium quid in rebus humanis videtur: ita ille felicissimus iudicatur, quisquis cum suorum Natalium obscuritate non est colluctatus, quisquis statim amplâ Maiorum suorum luce circumfusus in vitam venit, & in cunis adhuc infantilibus amplas omnium spes, de futura sua egregia indole concitauit. Non eò hoc dico, quod aut exordes Arcadas, aut infantes Cecropidas, aut truncos Hermas, aut Cethegos Lentulosq; Paternæ gloriæ voragines, dignatione aliquâ prosequendos existimem: quia Maiores eorum excellentibus virtutibus florere. Scio multum interesse, bonus aliquis sit; an tantum sui Maiores fuerint: generoso conatu sequatur suorum indolem; an tantum iactet: atrium suum fumosis exornet imaginibus; an etiam animum præclarissimis eorum imbuat actionibus. Non inquam hoc eò dico, quod in sola generis Nobilitate, & relicto à maioribus splendore, omnia laudis ornamenta condi & collocari debere existimem: sed quia Nobilitas duraturæ felicitatis solida est basis, & mansuræ virtutis firmissimum fundamentum. Inest enim Nobilitati pulcherrimus quidam splendor de longinquo emicans, & virtutem sedi asserens suæ. Ut aurum alioqui pulcherrimum non splendet, nisi repercussu clarissimi luminis illustretur: ita virtus etiam maxima non honoratur, nisi generis & fortunæ velut radijs circumfusa, in humanos oculos illabatur. Quos hac claritudine natura destituit, coguntur totâ ferè vitâ cum genio luctari, ut vix malignitatem fortis, nisi ingenti rerum gestarum gloriâ opprimant. At Nobiles in amplissimum honoris Patrimonium statim intrant: non dum agunt, non dum loquuntur, non dum sentiunt, & iam ob præstantissimas Maiorum suorum virtutes ab omnibus coluntur, honorantur. Quomodo enim illi id egerunt, ut non in vnam ætatem prodesse, sed beneficia meritaq; sua

taq; sua venturis etiam sæculis reliquerunt: ita grata Respublica non id tantum agit, ut beneficia sua ipsis referat: verum etiam in subsequendum Posterorum longissimam serie libentissimè veneratur. Primum igitur **ILLVSTRISIME PRÆSVL** in Tuis laudibus est, nobilissimè natum esse. Non ibo hinc ad primas origines Gentis Tuæ, neque vetustissimum fontem familiæ Tuæ, investigabo. Quis enim possum tam aperto inuehi mari, tam latè patenti dicendi campo. Narrandæ mihi essent virtutes, non vestræ tantum, sed **GRVDZINSCIORVM, DZIALINIORVM, PACYORVM WEIHERORVM, WOLFIORVM, GEMBICIORVM, DONHOFFIORVM**, aliorumq; cum quibus continua cognationis arctissimo vinculo estis colligati. Numerandi essent fortissimi illi Heroës, percensendi Magni Præfecturarum Præsides, Senatores Amplissimi, Antistites celeberrimi, Duces bellicosissimi, ceteriq; publicis honoribus insignes viri, qui tanto numero tamq; prolixo ordine ex vestra Familia prodierunt, ut si vel hi tantummodò spectentur, non splendore tantum; sed etiam numero, vestra Familia nulli videatur concessura. Sed hæc incorrupta virtutum testis Posteritas admiratur, & dignis iam præconijs, quæ nullâ ætatis iniuria obscurare, nulla fortunæ malignitas carpere possit, consecrauit: mihi in Tuis laudibus desudaturo, integræ vires ad eas reseruandæ. Itaq; quamuis fortassis Tibi gratissimū foret, illos in auspiciatissimi huius honoris aditu, & comites habere, & gratulatores: mihi tamen consultissimum est æterno illos silentio venerari: nisi quod Maximi tamen Parentis Tui, Fratrumq; Tuorum carissimorum gesta, in hanc paginam mihi deducenda videntur, ne ab hac hilaritate ii potissimum excludantur, ad quos ea maximè spectat. Itaq; ut à **NICOLAO** Parente Tuo hoc dicēdi sumā initiū, quis fuit in quo maior multarum virtutum amplitudo, & præcellentium meritorum illustrior congeries & confluxus notaretur, quam in illo reperiebatur? Fuitne aliquod in Polonia tempus bellicum, in quo non eius incredibilis in Patriam pietas effulserit? Fuitne militaris expeditio, quam ille non gloriosè suscepit? Fuitne aliqua benè de Patria merendi occasio, quā ille non promptissima mente conceperit. Insurrexerat in **SIGISMVNDVM** Tertium, **REGEM** illum, quo imperante suos vetustati Iulios, Titos, Vespasianos, Theodosios, aliaq; non tam virorum quam virtutum nomina minime inuidebamus, Patruus Carolus Sudermaniæ Princeps, non tantum crudeli dominandi libidine; verum etiam iniqua odij malignitate stimulatus; quis tum magnanimo Parente Tuo prior ad castra accurrit? quis meliùs manu, consilio, dexteritate, fortunā pro suo **REGE** stetit? quis feliciùs hostilis potentia conatus repressit inimicos. Vidit eum tū Prussia multas clades stragesq; circumferentem, & magnum **REGIIS** partibus ad victoriam momentum adferentem. Spectauit Liuania gloriosis vulneribus, non gloriæ tantum duraturæ; sed immortalitati etiam nominis sui præluentem. Mirata est Pomerania inter densos hostium globos, fulguris instar coruscā armorum luce præmicantem, inferentem sese aduersis agminibus, suiq; oblitum, Patriæ memorem, Martijs factis ad pulcherrimos ausus ad victoriamq; ceteris præluentem. Quid autem postea, cum eidem **SIGISMVN-**

DO diuturnum cum Moschis bellum cōdāuisset? quis tūc **WIERZ-**
BOWIANAM non stupuit fortitudinem, quis non exhorruit audaciam.
Procurrendum erat animosè in hostem? procurrebat. deligendus difficilli-
mus pugnandi locus? deligebat. in certamine Equestri, in obsidionibus,
in excursionibus, in congressu singulari, in prælio dimicandum? dimica-
bat. quasi aut ille solus totum robur exercitūs sustineret, aut eius viribus
vniuersus exercitus niteretur. Magna hæc est **ILLVSTRISSIMI**
PARENTIS TVI laus: & nescio an non cum Fabriciorum, Scipionum,
Camillorum nunquam intermoritura gloria conferenda, vnicum illum fe-
racissimo virtutum sæculo, incomparabili virtute valuisset tantum, vt com-
munem cæterorum fortem videretur excessisse: at nescio an non illa multò
maior, quod rara felicitate quinque vos fratres velut quinque lampadas post
se reliquit? qui omnes haustum à Parente generosum sanguinem, virtutum
conditione fecistis meliorem, & lucem à maioribus deriuatam, nouis deco-
ribus illustrāstis. Quid enim an non hoc singulare Diuinæ beneficentiæ
argumentū, ab vno fonte tot fluuios, ab vna radice tot ramos, ab vno fide-
re tot radios, ab vno Parente tot Filios prodijisse, omnes Heroicis laudi-
bus eminentes, omnes non degeneres Paternæ virtutis successores. Glo-
riabatur olim Amilcar duos se filios Asdrubalem & Annibalem genuisse,
quorum prudētī consilio & armis, Romanorum Imperium esset superandum.
Gloriabatur Cornelia Romanarum Matronarum nobilissima, quod Tibe-
rium & Caium Gracchos, illustribus ingenijs spectatissimos iuuenes peperisset.
Metelli etiam fortunam nimia suarum rerum æstimator antiquitas Cœlo
propè intulit, vexitq; ad sidera, quod is tres filios Consulares, vnum etiam
Censorium ac Triumphalem, ac quartum Prætorium vidisset. At quantò
Maximo Parenti vestro ad laudem præclariùs est, tales vos genuisse. Nam si
diligentissimæ præteritorum conseruatrici Historiæ credimus, & Asdrubal
cum Annibale magis suæ libidini, quàm integritati Patriæ in bello cum
Romanis gerendo sunt velificati, Romanamq; ad extremum fortitudinem
in suæ perniciē Carthaginis irritarunt. Et Tiberius & Caius Gracchi magni
potiùs fuerunt, Stoici sapientis iudicio, quam boni. Et Metelli filiorum vi-
tam, turpis superstitio infamauit. Vobis verò omnibus diuinitus ea est
adiuncta felicitas, vt cum vos publicis necessitatibus, & communi bono
propagando impenditis, hoc vnum sollicitè provideatis, ne vlla in parte
virosum bonorum fortiumq; munus, à Patria in vobis vnquam desideretur.
Quando enim **ALBERTVS CASTELLANVS INOVLADI-**
SLAVIENSIS, primus **ILLVSTRISSE PRÆSVL** Frater
Tuus, non omnes amantissimi Patriæ Senatoris partes, omnia officia suffi-
cientissimè impleuit. Quid est quod ille Vir non Diuino consilio rexit?
non maturā prudentiā vidit? non solerti industriā coniecit? non felicissi-
mā experiētiā perfecit? quid est quod eius summam sedulitatem vigilan-
tiamq; effugit? Probauit eam eius dexteritatem **REX** in censendis alienis
dotibus exactissimus **VLADISLAVS** Quartus vsq; adeò, vt aureo illo
tempore, quo Polonia Magnorum Virorum compendium habebatur, eum
tamen potissimum delegerit, qui grauissimā legatione à se ad Augustissi-
mum

mum Romanorum Imperatorem **FERDINANDVM** Secundum funge-
 retur. Suspexit Patria difficillimis suis temporibus, eiusq; sapientiam,
 tanquam cælitus sibi demissum præsidium intuebatur, ad quem in per-
 plexis suis confugeret negotijs. Et profectò experta fuisset eum suæ salutis
 suæq; incolumitatis asylum certissimum, nisi in ipso ætatis, virtutis, ho-
 norisq; flore, dùm indefesso in Comitijs pro Patria studio allaborat, ex
 hac mortali vita ad illam immortalem transiisset. Quid porro alter
VLADISLAVS, BRESTENSIS PALATINVS Vir quantum-
 cunq; maximis honoribus gestis maior, quam partem ætatis sine amplif-
 simis in Rempublicam meritis transmisit? quam horam non aliqua nobili
 transegit actione? quod tempus sine publici boni cura consumpsit otiosum?
 Considerares in eo fortitudinem? dixisses Leonidam Spartanum nulla pro
 Patria discrimina formidantem. Exenderes prudentiam? Cunctatorem
 Fabium appellâsses, ancipitem Poloniae statum multò antè obseruantem,
 illiq; felicissimam in tempore medicinam adhibentem. Intuereris animi
 magnitudinem? vocâsses Marcellum animosum, in attollendis Patriæ rui-
 nis, in erigendis lapsis eius rebus, nulla pericula metuentem. Examina-
 res in eo iustitiam? iurâsses ne Aristidem quidem, Solonem, Lycur-
 gum aut alios celeberrimos iustitiæ Antistites, religiosius instituta sua con-
 seruâsse. Exquireres pietatem aut religionem? Scipionem Africanum,
 aut Æneam Troianum affirmâsses, iugi solliciti laboris flammâ, pro Diuini
 honoris propagatione, pro Patriæ incolumitate, pro cunctorum salute
 deflagrantem. Testis est eius fortitudinis Berestecensis expeditio, quo
 in bello cùm formidanda vniuersæ Poloniae barbarorum Scytharum, rebel-
 liumq; Cosacorum impenderet tempestas, calamitosaq; armorum hostili-
 um trepidatio magis ac magis inualesceret; ille in Comitijs Regni Centu-
 riatiss, Palatinatus Lanciciensis electus Ductor, selectissimâ Nobilitatis
 manu succinctus, indomitam hostium feritatem, armis & vindice ferro cò-
 ércebat. Testis incorrupti eius iudicij & rigidæ iustitiæ Tribunal Regni
 Generale, in quo ille seuerissimè ius dicendo, oppressæ innocentia pa-
 trocinando, neq; obtestantium importunis precibus amicorum, neq; po-
 tentium vndiq; se obsidentium fauoribus, neq; muneribus, quæ etiam opti-
 morum mentes plerumq; interuertunt, à suscepto semel boni Iudicis officio
 abduci se permittendo; præclarum sibi ad gloriam iter communiuit. Te-
 stis eius zelosissimæ in Patriam pietatis Varſauiensis conflictus, in quo cum
 Vir ille mirabili feruore in eam curam incubuisset, vt Patriam ex aduncis
 Suetici Leonis vnguibus laceratam conuulsamq; quantocyùs erueret, ad
 cæleste Capitolium, illic æternum pro meritis suis acturus triumphum,
 commigravit. Neq; verò reticebitur aut ingrata sepelietur obliuione,
 imò vigebit clariùs, & effulgescet nitidiùs, nullis obruenda temporibus
 maximis in rebus probatissima virtus **SIGISM VNDI VEXILLI-
 FERI LANCICENSIS**, qui posteaquàm literas prima ætate neces-
 sarias, & ex vltu suo attigisset, eam cunctorum in animis de eximiâ sua indo-
 le inseuit opinionem; vt in externis etiam Regionibus, vbi peregrinæ do-
 ces scrupulosissimè, nec citra iniuriam malignitatis excutiuntur, ipsos eti-
 am

am Supr
 toperè e
 propè v
 tentissim
 CÆSA
 matissim
 postea i
 nor, vt
 derno D
 to, & ab
 ti in R
 florenti
 FAMI
 omnium
 meritò
 vtinam
 uenisset
 fortitud
 iudicio,
 corpori
 & virtut
 Q
 us vitæ
 xit, in a
 ca eruer
 obhæsi
 cætera
 Debuer
 des adf
 manda f
 perstitis
 PALA
 est! qu
 maiore
 dam, in
 ficillima
 Quid en
 magnitu
 fortitud
 iustitiam
 raut, vt
 or, don
 tior. C
 sua Iuue

an Supremos Monarchas, meruerit suæ virtutis habere laudatores. Quantoperè enim illud æstimandum est, quod in AVLA Hispanica, quæ Orbis propè vniuersi fata dispensat, & serpente acutiùs cernit Epidaurio, à potentissimo PHILIPPO Tertio, ad FERDINANDVM Tertium CÆSAREM Legationisei munus est concreditum, cui nonnisi consummatissimi, multisque in negotijs cogniti Viri admouentur. Neq; minus postea in Patria sua virtus invenit pretium, cum redeunti is decretus honor, vt is ILLVSTRISSIMO ANDREÆ TRZEBICIO moderno Dignissimo Cracouiensi ANTISTITI, Comes Maximo Legato, & ab intimis secretis, pro Comitijs, Electioni FERDINANDI quarti in REGEM Romanorum indictis, adiungeretur: vt in illo Orbis totius florentissimo confessu intelligi posset, esse in WIERZBOWIANA FAMILIA talem in rebus transigendis peritiam, quæ ad conciliandos omnium populorum animos pertineret. Vtinam verò Vir ille omnibus meritò laudibus decorandus, tardiorẽ vitæ cursum, quàm virtutis habuisset: vtinam indulgentiâ fatorum ad perfectam quandam ætatis maturitatem peruenisset: profectò vix aliquis fuisset siue in toga & pace, siue in bellis, fortitudine, scientiâ, felicitate, rerum omnium exactissimâ cognitione & iudicio, cum eo conferendus. Verùm Diuina viseius animi, cum caduci corporis hospitium, tenuesq; angustias ægrè sustineret, in ipso meritorum & virtutum stadio, celeri impetu ad æternitatis arcem euolauit.

Quanquam quid ego eos, quos communis lex mortalitatis in alterius vitæ coloniam, eamq; vt gesta eorum sperare iubent, felicissimam deduxit, in aspectabilem Tuæ pompæ apparatus reproduxi? quid tam diu circa eruendos è gloriosissimis suis tumulis, in quibus libentissimè quiescunt obhæsi? quos breuissimo compendio in Te vno poteram inuenire, cui cum cætera suâ hæreditate, omnia suarum virtutum ornamenta transcripserunt. Debueram scilicet in ijs experiri ingenium, vt exercitatum ad cæteras laudes adferrem: vt limatiorem viuientibus sacrarem facundiam, sacris limanda fuit cineribus, & in mortuorum sepulchris occupanda. Nam in superstitis quidem Fratris Tui incomparabilis Herois HIERONYMI PALATINI SIRADIENSIS laudes quanto conatu assurgendum est! quàm singulares industriæ nerui insumendi! O virum honoribus suis maiorem, in ferrea ætate propè aureum, ad salutem Poloniæ procurandam, indefesso labore contendentem, eiq; cælitùs ad negotia quæq; difficillima, feliciter & ex voto publico conficienda, Diuino munere impertitum. Quid enim sibi ad summi honoris laudem deest? imò quid non adest? qui magnitudinem modestiâ, modestiam candore, candorem fortitudine, fortitudinem temperantiâ, temperantiam prudentiâ, prudentiam iustitiâ, iustitiam pietate, pietatem religione, alijsq; eximijs virtutibus ita temperauit, vt dubium reliquerit maior nẽ sit an melior, Sago an togâ laudabilior, domi an foris felicior, in suis an in publicis tractandis negotijs diligentior. Qui erat & quo animo humiles iam curas adolescens superârat, illa sua iuuentus loquitur, quam Cracouiæ in hoc antiquissimo Regni Pola-

nici Athenæo, sub viris omni scientiarum genere clarissimis, ad prisca propè
Catonis exegit normam. Nam cum sciret nullum ingenium sine doctrina
summum esse, nullam ætatem iuuenili meliorem literis, omnia patere subli-
mi suo ingenio celerrimè voluit, quæ laboriosus conatus Heroicis mentibus
recludit. Accessit cultissimarum Nationum propè omnium peritia, quæ
sibi diuturnâ peregrinatione collegerat, ut scilicet omnibus florentissimæ
doctrinæ subsidijs, absolutissimæq; virtutis ornamentis instructus, ad Rem-
publicam accederet, facturus quæ pauci adulti imitarentur. Neq; verò
potuit diutiùs pretiosissimus hic vnio in obscuris priuatæ vitæ angulis con-
tineri. SERENISSIMVS enim VLADISLAVS quartus, cum
iam tunc adolescentis egregias virtutes solertè introspectisset, erumpen-
tem eius indolem, glorioso sui fauoris stimulo, ad maxima quæuis quasi
consultò deligebat. Non ego hîc commemoro quæ negotia incredibili
celeritate confecerit, quibus sibi moribus animum Principis deuinxerit,
quas difficultates consilio suo mitigârît, omnia enim maiora sunt, quàm
ut à me festinante ad Tuas ILLVSTRISSE PRÆSVL laudes
possint memorari: illa tantùm quæ in ore famæ sunt, quæ disseminantur
in Orbis terræ memoriam sempiternam, tacito non possum silentio præ-
terire. Missus à SERENISSIMO VLADISLAO in Gallias ad
desideratissimam sponsam, SERENISSIMAM LVDOVICAM
MARIAM GONZAGAM, in Poloniam deducendam: hoc negoti-
um bono Reipublicæ, perfecit feliciter, & è fecundo illo Liliorum horto,
fragrantissimum Liliū, talem tantamq; REGINAM in Boréales plagas
transplantauit. Factus VEXILLIFER LANCICIENSIS ad Be-
restecium, in gloriam & salutem Reipublicæ, rerum gestarum prosper-
rimum euentum collaturus, cum hoste strenuè decertauit, etiam proprio
sanguinis dispendio, REGI REiq; publicæ ostendens, malle se vitæ suæ
pati dispendium; quàm ut Respublica de sua incolumitate periclitetur.
Cum verò postea insurrexisset illud tempus, quo miseræ Poloniæ in Polo-
nia ne peregrinari quidem licuit; quo omnium malorum Ilias in eam velut
in communem quandam sentinam confluit; quis tum suus in Principem
amor, quanta in Patriam teneritudo viscerum fuit, quàm continuæ curæ,
quanta in leniendis Patriæ morbis sollicitudo, appello hîc Principis ipsius
gratitudinem, qui inflammatum facibus honestissimæ in se Patriamq; pie-
tatis cernens eius animum, certauit cum eo summis honoribus? utq; eius
meritis paria refunderet, primò eum Præfecturâ Lomzensi Schadkowiensi
q; donauit; deinde Castellania Siradiensi cumulauit; mox Gubernatorem
Magnum REGIÆ DOMVS suæ constituit; postea Palatinatu Brestensi
decorauit; tandem cum nullum cerneret finem meritorum, Palatinatus etiam
Siradiensis amplissimâ dignitate exornauit. Excepit ille tanti honoris ra-
dium, quid nisi ut iterum noua in Patriam merita regereret, testareturq;
Patriæ quantumcunq; illa magna conferret, maiorem sibi animum ad refun-
dendum superesse. Hoc loquuntur Moschouiticæ Commissiones tertium
ab ipso iam susceptæ, in quibus suam in tumidis barbarorum flectendis a-

nimis

nimis sapi
in graui
tiq; Her
ILLVS
hæc lumi
esset, ab
ductus a
existima
gantissim
sterisse A
res sapiu
cineribu
(si Stoic
quod an
primò v
bus illa
culti &
ræ laudi
adhucra
similia e
exemplu
stendi a
culo co
vniuersa
neris co
semper
mus Ca
ria: &
que solu
immort
qualis c
fitus, c
sce. P
num, qu
tis habu
lites, eru
hantur.
tiæ, lib
eleganti
tricem V
Te com
fugens,
verò est
bertas,

nimis sapientiam, fidē, constantiam, fortitudinē in exarmādis, prudentiam in grauissimis componendis controuersijs, sera loquetur posteritas, in tantiq; Herois venerationem mutuo semper consensu conspirabit. Hæc sunt **ILLVSTRISIME PRÆSVL** præclarissimæ gentis Tuæ decora, hæc lumina pulcherrima, quibus si Tu tantum nitereris, vix operæ pretium esset, ab ijs mentem aliò stylumq; transferre. Sed enim generosa quādam ductus æmulatione, non niteris hisce natiuis ornamentis, neq; hæc aliter Tua existimas, quæ Tui gesserunt; quàm nobilissimi pictores suum putant elegantissimum archetypum, quod imitentur. Alioquin quid iuuat aliquando sterisse Auos, si nepotes iacent, eminuisse parentes, si filij meros plebis mores sapiunt, fulsisse generis auctores, si posterij caliginem a se obijciunt, si cineribus tandem ignauix generosior hic ignis obrutus elanguescit. Nemo (si Stoico id est vero sensu amamus loqui) in nostram gloriam vixit, nec quod ante nos fuit nostrum est. Oportet (elegantissimi Puteani verba sunt) primò veram in animo Nobilitatē ponere, assumere deinde ornāmēta, quibus illa resplendeat. Nam nisi boni sumus, frustra diuites & benè nati, nisi culti & facundi, frustra inclyti generis stirpe commendati. Eam Tu veræ laudis, veræq; gloriæ comparandæ certissimam rationem, ita in ipso adhuc rationis crepusculo es secutus, vt nisi in aliis præclarissimis Viris similia exempla præcessissent, quæ Tu sequereris: in Te fuisset propositū exemplum, quod alij sequerentur. Cum enim eā Prosapiâ: quæ vt ostendi amplissima est, & si rerum gestarum gloriâ hoc sterili virtutum sæculo consideretur, cum paucis conferenda; in lucem prodijsses: non in eo vniuersæ laudis cursum sisti oportere prudenter censuisti, si ab vnica generis commendatione ad hominum proflueres existimationem: sed eò semper generosam Tuam direxisti indolem, vt (quemadmodum doctissimus Cassiodorus loquitur) eligeretur in Te nascendi laus, viuendi gloria: & cum multa traheres ab antiquis, merereris placere de proprijs: neque solum referres facie sanguinis decus; verum etiam virtutibus Tuis immortalem veri decoris laudem Familiæ Tuæ comparares. Age igitur qualis quantusq; fueris, quàm ad omnem solidæ gloriæ normam compositus, quàm indies Te ipso melior & perfectior, tacitus mecum recognosce. Principio cum ingenium quoad naturæ benignitatem solers & amatum, quoad vsum vigilans & laboriosum nactus esses, nihil prius in votis habuisti, quàm vt inusitatâ rerum multarum cognitione illud perpolires, erudirerisq; ijs artibus, quibus mentes ad sublimes functiones prouehuntur. Ergò antiquissimum Poloniæ Gymnasium, Regiæ magnificentia, liberalitatisq; verè Regale monumentum, omnis humanitatis omnisq; elegantia sedem augustissimam, fidelissimamq; nobilissimæ pubis educatricem Vniuersitatē Cracouiensem delegisti, eiusq; eruditissimis cōplexibus Te commisisti, vt in ea tantisper mel & nectar illud svavissimæ doctrinæ fugens, paulatim ad solidiores doctrinæ cibos disponi posses. Cuiusquam verò est tam exundans dicendi copia, tam copiosa instructi sermonis vbertas, quæ infractum illud Tuum discendi studium, atq; insolitam sciendi

endi cupiditatem pro merito exprimat. Labor est aliis & poena, subducere aliquid vitae oblectamenti, ut Musis consecrent, remittere nuncium voluptatibus, ut lugubrationi tempus impendant, respuere blanditias omnes, omnem vitae cursum in corporis atque animi sedula contentione conficere, ut tandem desiderata rerum cognitione potiantur: Tibi ILLUSTISSIME PRÆSVL selectissimum fuit condimentum, ludusque delicatus. Compertum fuit tunc exploratumque omnibus, ad quantam virtutem maturus peruenturus esses, quandoquidem adhuc puer virtutum Seminario generosius concretus, nihil non inclytum designabas. Patuit Diuinitus Te iam ad magna & præclara negotia destinari, quandoquidem Tuum ingenium flexibile, tenerum, molle, cereum, facillime fingentium industriam sequebatur, & in varias sese diduci formas permittebat. Maturueras iam tanto literarum ardore consummatus omnium opinione, sed non Tua, cui rudimenta hæc placebant quidem, verum ut ad maiora inexplebile illud virtutis Tuæ desiderium anhelaret. Sciebas barbariam feracissimam quidem esse omnis gloriæ exemplorum, domique ea nasci quæ imitari generosissimo cuius sufficeret: sed neque illud tamen nesciebas, non vnum adolescenti solum premendum, nec ab ore suorum tantum diutius dependendum. Habere etiam suos Italiam, Germaniam, Galliam, præstantes doctrinam Viros, & velut Oracula literarum, à quibus utiliter responsa, possent peti. Visum est itaque sic instituto domi ac imbuto, aliunde petere doctrinæ præsidia, & inuisere quidquid cultarum est in Europa nationum, ut necessarias Viro in Republica victuro linguas, & præclaras artes, & indolentem Aulam, & quidquid ubique est præcipuum perdisceres. Visum florida ubique germina prudentiæ, quæ per tot Regionem fuerunt dispersa, colligere, & ex ijs lectissimam prouidentiam Coronam, capiti Reipublicæ suo tempore imponendam, colligare. Erant sub oculis permulta spectaculorum oblectamenta, nouæ & inusitata montium formæ, & irriguæ perennibus aquis valles, & fluuiorum lenissimi cursus, & lætissima camporum vbertas, & viriditas in diuersos colores distributa, & Vrbes crebris domuum fanorumque eminentes fastigiis, & amantissima varietas rerum, naturæque veluti suas opes explicantis industria; quæ singula curiosos & oculos & animos, neglecto interim studio sapientiæ, improuisam suam nouitate diutissime recreare possent: ijs Tu haud aliter auidissimam reficiebas mentem, nisi ut alacrior deinde, & veluti resumpto spiritu, ad nouos labores festinares. Occurrebant rursus ingenia eruditæ humanitatis cultu perpolita, feliciterque in hac literaria arena desudantia: iis Te adiungere, eorum familiaritatem, usum, colloquium studiosè perquirere, magnoque emere; & ex facundissimis illorum sermonibus, tanquam turgentibus fontium venis, abditos doctrinæ liquores haurire non negligebas. Occurrebant memorandæ antiquitatis vestigia, & venerandæ prisce illius æui reliquiæ, eas Tu seligebas, notabas, ad lucemque retrò acti sæculi referebas, ut ex recurrentium similium causarum euentuumque circulo, similem depromeres solertiam iudicandi. Inter hæc tam

men

men no
partim
innocen
ragione
Pulchr
ri, vt,
naturæ
vitia mo
versatus
quotus
quoties
tus quid
pari dep
Circeis
ti, cun
cijs in l
ctus to
plerique
rem ex
statis su
sacrileg
Non inf
pientia
modera
sed egre
præter
ris: ad
cem for
meos v
ne Oce
defluent
millimu
in illa
prauata
lescens
ficæ, tu
colorem
conferu
At
nisti eam
lum feli
talemque
nobis de
inter ob

men non minor Tibi cura, ne peregrinos illos mores, qui partim nouitate, partim specie ipsa virtutum blandiuntur, combiberes, ne Tuam natiuam innocentiam squalido vitiorum succo inficeres, ne velut in publica contagione næuus aliquis, aut macula, in optimam Tuam indolem transfret. Pulchrum enim uerò, & magnificum ad laudem, ita in illis locis peregrinari, ut, cum cætera quidem quæ ibi pulchra sunt, capacissimo ingenio, & naturæ bonitate, breuissimo tempore complexi fuerimus, ad sola tamen vitia moresq; pessimos indociles fuisse videamur. Quotus quisq; ita ibi versatus est, ut non impetu ipso incurrentium in se vitiorum obrueretur? quotus quisq; ita ibi commoratus est, ut non influenza blandimenta, aliquoties exclusa, nouissimè tamen in suum contubernium receperit? quotus quisq; non ibi suauissimis voluptatum illecebris, velut in certamine impari deprehensus, victas manus præbuit. Non alij marcidi luxu degustatis Circeiis poculis, dolendâ Metempsychosi, homines in belluas sunt mutati, cumq; loqui deberent, grunnire didicerunt? Non multi cum Vlyssis socijs in horrendam Polyphemi specum ingressi, dum incauti alienos affectus tolerare nesciunt, illi miserabilem in prædam concesserunt? Non pleriq; degustatâ luxuriæ Loto, non Patriæ tantum, sed bonæ mentis amorem exuerunt? Non innumeri Sirenio blandissimo cantu deliniti, honestatis suæ naufragium miserabile subierunt? Non complures ad Solis boues sacrilego accessu facto, supremi in se Numinis iras & fulmina prouocârunt? Non infiniti cum securè in destinatum plaudentibus cunctis veherentur sapientiæ portum, in Scyllam & Charybdim impeerunt? Tua contra & moderatio fecit, & accuratissima circûspectio, ut Cyclopi specum introires, sed egredereris: Solis boues videres, sed abstineres: Scyllâ & Charybdim præternauigares, nec abripereris: Circes poculum biberes, nec mutareris: ad Lotophagos accederes, nec remaneres: Sirenes audires, nec in dulcem somnum lumina declinares. Gemmas videmus etiam si inter spumeos vndarum vortices, & procelloso fluctu conuulsa maria in alta caligine Oceani nascantur, cœlestem tamen originem, & matutini roris è quo defluente in suis concipiuntur conchis, referre puritatem. Gemmisissimus fuit ille animus Tuus, qui in peregrinarum concursu deliciarum, in illa ætate, in qua ipsa natura profundit immoderatas cupiditates, in deprauata viuendi licentiâ, quâ certamen suscipitur ne quispiam frugi adolescens reperiatur: ita se grauitate & castimoniâ, & cum disciplinâ domesticâ, tum naturali bonitate sepsit, ut natiuum semper illibatæ innocentiae colorem retinuerit, ab exoticisq; illecebris illæsum se semper & indemne conseruârit.

Atquæ hæc in exteris Regionibus. Redux porrò in Patriam, inuenisti eam in alto felicitatis culmine sub VLADISLAO quarto, quo nullum feliciorum REGEM benigna nobis transmiserunt fata, constitutam, talemq; qualem antea orbem fuisse vniuersum, Saturno regnante, Poëtarum nobis dulces fabulæ prodiderunt. Cum uerò arduum imprimis putares inter obsequia blandientis fortunæ, eodem in confinio bonam mentem

tenere, neq; non difficillimum iudicares, delinimentis Aulæ ad segnitiam & luxum non detorqueri: genus vitæ elegisti quietum, tranquillum, seductum ab omni humanæ ambitionis pompâ: sanctisq; altaribus Luceorientis primò, mox Cracouiensis Ecclesiæ Peraugusto Canonorum adscriptus Collegio, purum Te adinouiisti Sacerdotem. Placebant Tibi castissimæ illæ pietatis flammæ, quibus ceu impetu ad supremum Numen, cui seruiunt ima, plaudunt suprema, ferebaris. Arridebat mirificè mellitissimus ille sapor, quo DEVM mundanis euolutus curis, in hac mortalitate degustare incipiebas. Rapiebaris in intimam venerationem naturæ illius, ex qua omnia oriuntur, in quam omnia certâ lege, diuersis licet itineribus, reuertuntur. Tangebaris intimo dulcedinis sensu, cum primam illam purissimamq; cogitabas pulchritudinem, quæ postquam suæ illius primigeniæ & inuisibilis formæ fragmenta, per vniuersum diffudit Orbem, ab illo tempore sol nobis lucet, labuntur sidera, fluunt maria, crescunt herbæ, inaurantur segetes, seruiunt animalia, natant pisces, terra metalla fundit, & omnis naturæ pars tributum aliquod liberaliter nobis confert. Vix hæc Regina palatium intrauerat mentis Tuæ, pleno agmine secutæ sunt eam comites aliæ, quotidiana propè Sacrosancti Missæ sacrificij oblatio, crebra noxarum animæ per confessionem expiatio, rerum spiritualium dulcis memoria, fidei Orthodoxæ ubiq; promouendæ ingens desiderium, eximia erga Augustissimam Cæli Reginam deuotio, constans & æqualis sanctarum consuetudinum obseruantia, animiq; semper diligens scrutinium & custodia. Properârunt & aliæ non minores hisce tenuiorum deliciæ, in pauperes caritas & beneuolentia, in Religiosos liberalitas, in omnes terræ miserationis affectus, & iam propè ex consuetudine benefaciendi natura. Obseruatum deniq; est ardentius ab illo tempore inuictæ mentis maiestatem in Te elucere, promptius timoris iuxta & gratiæ victricè veritatem emicare, clariùs perennem in Patriam amorem effulgere, constantius æquitatem, bonitatem, iustitiamq; enitescere, euidentius ad extremum, omnia vitutum decora in Te recenseri. Ita nimirum est. Cæteræ virtutes solitariæ incedunt: hæc Cœli germen, Orbis columen, nunquam nisi cum omnibus virtutibus stationem sibi in humano pectore collocauit. Cum etenim omnes virtutes, quasi minores radii obscurius fulgeant; facile ad hanc suam Lunam amabili nitore cumulandam congregantur. Cum velut non æquè volubiles nodi difficilè sibi cohæreant; libentè cum hac è Cœlo protensa catena arctissimo nexu copulantur. Cum tanquam viiores gemmæ non plenam lucem spargant; ad hanc suam coronam concurrunt non inuitæ. Verbo claudam, cum minoribus semitis ad DEVMducant; celerrimè huius sese lateri iungunt, ad quem compendio venit, & cum quo proximè & ex vicino agit ista. Exultabas gratiosissimis hisce ornamentis ILLVSTRISIME PRÆSVL, & in sinu huiusce Diuæ rore cœlesti continuò mentem pascens, felicissimum Te prædicabas, quod Tibi relegatâ continuâ rerum humanarum vicissitudine, vita contigisset quietissima, & in Cœlum gratissimâ excurrente libertate. Cæterum Respu-

blica

publica
inuideb
an ideò
li tamen
est, qu
remot
pastu D
porrò
vt in C
publica
nes del
quam i
tem deb
iam tun
nebant
nabant
culmin
rali ictu
inhuma
publica
ratis Ar
sedisti.
blicas c
darii m
stres fun
expectab
Tuarum
bus, inc
tantâ su
videretur
nem, tan
præcelle
tritam fa
uis onus
dexterita
ptissima
mentum
etiam fug
blica cir
non tenu
parent, p
Ea enim
gentia, n
delius &

publica tamen eam Tibi felicitatem, incredibili Tui desiderio flagrans, propè inuidebat, seq; à Te tam libenter deferri, ægerrimè sustinebat. Quid enim? an ideò tantùm genuisset, aluisset, fouissetq; , vt innocenti illâ quidem, soli tamen Tibi proficuâ tranquillitate fruereris. Anachoretarum ista laus est, quibus arcanus ille de Cœlo instinctus solitudinem imperauit, & in remotissimas à consortio hominum syluas duxit, quò faciliùs occulto illo pastu Diuinæ voluptatis, DEO & sibi vacantes fruerentur. Nobilissimis porrò mentibus, quæ bono publico natæ sunt, non hoc solum agendum, vt in Cœlum deuotissimas suas mittant cogitationes; verùm etiam Rerum publicarum saluti, omni conatu omniq; studio prouidendum. Stare omnes debemus (inexhaustum eloquij Romani mare Tullius loquitur) tanquam in Orbe aliquo Reipublicæ, qui quoniam versetur, eam deligere partem debemus, ad quam nos illius vtilitas salusq; conuerterit. Quid quòd iam tunc immitia fata, longi otij multiplici malo exactura pretium, imminabant Reipublicæ, horrendumq; nescio quid & formidabile eò magis minabantur, quòd sub prosperrimo VLADISLAI Regimine, in eo iam culmine constiterat, vt ipsi necessariò descendendum esset, eam igitur sub tali ictu stantem deferere, an non id non modò inconsultum, sed propè inhumanum esset? Paruisti igitur ILLVSTRISSE PRÆSVL, publicæ necessitati, paulisperq; descendens de dilectissima illa tranquillitatis Arce, in quam Te Tuo consilio abdideras, ad clauum Reipublicæ confedisti. Honores porrò, qui Te sibi ambire visi, cùm priuatus eras, ad publicas curas accedenti sponte suâ occurrerunt, breuiq; Te talem Referendarij minoris & Thesaurarii S. REGINALIS MAIESTATIS illustres functiones sibi vendicârunt. Versi erant tum omnium in Te animi, expectabaturq; ab omnibus ordinibus cupidissimè, quantum admiranda Tuarum virtutum vbertas sese esset profusura. Fuit in omnium sermonibus, incredibilem quandam in Te animi magnitudinem esse debere, quæ tantâ suffragatione apud SERENISSIMAS MAIESTATES digna videretur. Tam expressam & manifestam hominum de Te existimationem, tam insitam opinionem, admirandâ actionum Tuarum & virtutum præcellentiâ & dignitate ita superâsti; vt faciliè intelligerent omnes, nutritam faustis sub penetralibus eximiam Tuam naturam eam esse, cui quoduis onus imponi posset; neq; vllam esse perplexitatem, quam non Tuâ dexteritate expedires, nullum negotium, in quo non vniuersorum promptissima in Te studia concitares. Auspicatus es hoc publicæ famæ rudimentum vt alii desinunt, magnus visus, è longinquo, & dignissimus quæ etiam fugientem honor sequeretur; at multò maior postquam Te lux publica circumfulsit: non secus ac nobilissimi vniones, qui licet in abdito, non tenues spargant sui splendoris radios, multò tamen eminentiores apparent, postquam ad exploratricem veri lucem examinati fuerint, & expensi. Ea enim fide, diligentia, sollicitudine egisti omnia, vt nec labor, nec diligentia, nec fidelitas in eo munere Tibi defuerit vnquam. Quis enim fidelius & cautiùs egit, vt sancta esset Principi reuerentia, vt secretum silen-

tii sa-

rii sacrum, ut religiosa arcanorum custodia, quam Tu? quis cuncta onera accuratori expendit prudentiâ, quis dexteritate laudabili distracta licet & varia composuit ordinavitq; negotia, quam Tu? quis rationes pecuniæ solertiùs, religiosiùs, sanctiùs, abstinentiùs administravit, quam Tu? Adeò mehercule ut ne Lyncei quidem liquoris oculi quidquam inuenire potuerint, quod in Te per summâ malevolentiam in culpam aliquam trahi posset.

Sed cum multa Tu grauitè, tum vel illud inprimis, quòd ostendis in sole & publico, quæ in vmbra aliquando didicisti, exprimis in aperta luce, quidquid nobis tanquam in speculo doctissimi viri reliquerunt: despiciasq; illam Musarum amœnitatem, quæ in solis libris hæret, vñum porro & negotia ciuilia auersatur. Neq; verò ego damnauerim per se quiëtam illam & otiosam contemplationis dulcedinem, & intra metam alicuius scientiæ exercitatum acumen, aut in Philosophicis subtilitatibus Poëticisq; argutijs occupatas cogitationes. Nam & istæ artes etiam si remotæ, à strepitu popularis vulgi, venerabiles ab omnibus, innocentissimæq;, & molestæ nemini iudicantur. Sed si quis tamen animo erectior, altum & sublime ingenium multâ subactum eruditione, quale Tuum est, in prolixam deducat sedulitatem, Patriam consilij firmet, augeretur futuros in Republica motus, tempestiuusq; eos remedijs anticipet, semperq; in bono communi promouendo excitatissimâ alacritate versetur: tunc ego eum magis quàm si solis lunæq; errores, & redeuntes in circulum anni vices obseruaret, & varijs pictum schematibus componeret carmen, admirabor. Doceor enim antiquis Historiarum monumentis, æquius illos sapientum sustinuisse nomen, qui in Republica defixi gerenda, publicis se totos vñibus impendebant, suorumq; commodis ciuium, magis quàm apes suis aluearibus, intenti erant: quàm verò illos superfluæ doctrinæ viros, qui extra vmbrales scholarum angustias, pedem nusquam proferebant. Simul cogito, cum Tu in omni occasione, eximias mentis Tuæ dotes explices, & in præcipiti rerum negotiorumq; varietate, nusquam varius, semper Tui similis, nusquam consilij inops, semper feracissimus, nusquam trepidus, semper fortis, nusquam deiectus, semper strenuus, admittas Musas in secretum, libenterq; erudito molestias laborum dispungas otio, serium Tibi semper excitatumq; animum esse debere, cui ne remissio quidem placet alia, nisi speciei quâdam laboris licet amœnioris temperata. Atq; ego hîc felicem Te futurum **LVB RANSCIANE HELICON** iam verè possum ominari. An enim non attollet induratas laboribus Professorum mentes Præsul literatus? an à sua tutela seiunget tristes hac tempestate Camænas, Mecænas benignissimus? an non suo animabit spiritu oppressas temporum iniquitate, iamq; sub onere aduersitatum gementes Musas propensissimus Fautor, cui ut occupationibus literarum honestissimis recreari est iucundum; ita bona ingenia fouere promouereq; nimis promptum. Præteritam ætatem si consulimus, rarò literæ nisi à barbaris, obtusisq;, & humani generis conscientiam metuentibus, viles habitæ: contra ut quisq; aut digna literis gessit, aut vim mentis suauitate earum perpoliuit, eo semper eas loco habuit,

buit, q
girate
uidia
obstrin
sterita
ætate
moder
bilitas
format
fortuna
deantu
nimum
sciuiem
eodem
& cons
regioni
maioris
amq; ad
ma Gal
timis p
lit & eff
mentes
prodig
suetâ d
ptum, d
tione tu
ocris in
intra do
superbi
nignior
Nec def
fastus cu
misceri
verba v
cura, n
das poll
in illo r
doris, h
P R Æ S
pulis lac
cie saxu
licitas
nulla sup

buit, quo carissima quæq; haberi solent. Vos tantum ò maturè mihi cogitate Professores optimi, non iam quâ ratione infestæ vos opponatis inuidiæ, astusq; malignos eludatis: sed quibus modis vestrum vobis Præfulem obstringatis, quibus monumentis viuam humanitatis eius imaginem posteritati exhibeatis, quàm vocali duraturæ facundiæ plausu, in seras eum, ætates deducatis.

Quanta verò Tua est in omnibus præcellentibus dignitatum fastigijs moderatio? quàm mitis animi nullis honorum deliniti blandimentis æqualitas? quàm perpetua quædam voluntatis ad omnem mediocritatem conformatio? quàm non dissoluta comitas affabilitasq;? vt mihi cum magna fortuna, incredibilis quædam modestia ad Te illustrandum consensisse videantur. Magna quædam & inusitata ratio est, in accessione honorum, animum non submittere fortunæ illecebris, colligere ingenij exultantis lasciuem, inter beatos modestiæ fines, bonam fortunam, & bonam mentem eodem tenere in consortio, omnia integrè, moderatè, incorruptè, tueri & conseruare. Singularis & admirandæ sapientiæ est, in lautiorē fortuna regionibus sese officii continere, vi dignitatis non conuelli, atq; in concursu maioris gloriæ & felicitâtis obrepentem sæpius ambitionem excludere, eamq; ad viliores animas relegare. Difficillimum est, dicam cum suauissima Galliæ Nardo: in alto positum non alta sapere. Quidquid enim in intimis pectoribus leue, quidquid inane est, secundis se fortunæ ventis sustollit & effert, agit, rapitq; tumidos per vasta & inania. O quoties vidimus dementes multos & ignauos veriq; honoris inscios, ubi primùm repentè, prodigenti felicitatis munere ad aliquam fuerint euecti dignitatem, inasuetâ dulcedine, sui quoq; oblitos, deduci in superbum sortis illius contemptum, de qua exierunt. Quoties risimus apud tales, prodigiôsâ sui ignorantie tumentes, permagnò aditum ac tactum liminis æstimari, non mediocris in loco honoris haberi, si ostio suo propior assideas, si gradum prior intra domum ponas, si verba aliqua audientibus eloquaris. Hæc persuasio superbissimas inuadit mentes, perire sibi totum honoris fructum, nisi benignioris conuictûs excludens amœnitatem, tristi seueritate inhorrescat. Nec deformitate istâ contenti sunt, verùm si quando de illo ambitiosissimi fastûs culmine descendere libuerit, aliorumq; infra se positæ tenuitati permisceri: tam ægrè compositi sermonis diducunt formam: adeò omnia verba velut Pythiæ responsa, dubia, ancipitiq; gladio simillima, nec tota secura, nec tota fallacia in officina cudunt simulationis: adeò inter blandas pollicitationes, & superciliosum fastum sermonem diuidunt: vt credas in illo tam dispari rerum diuersarum confinio, omnem beneuolentiæ, candoris, humanitatisq; sensum expirare. Te ILLVSTRIS SIME PRÆSVL in omni fortunæ eundem semper & æqualem nihil in eos impulit laqueos, nihil ad infame hoc multorum Magnorum virorum perniciæ faxum præcipitauit. Nulla Tuum candorem simulatio regit, nulla caliditas prudentiam attenuat, nulla leuitas morum grauitatem inficit, nulla superbia modestiam opprimit, nulla vanitas solidæ virtutis possessio-

nem comitatur. Certas cum aliis industriâ, sed sine fastu; modestiâ amorem concilias, sed sine supercilio; contendis ad sublimes honorum apices, sed sine contemptu minimorum; loqueris de Te, sed cum ingenua animi subnissione; de aliis, sed cum eximia propensæ voluntatis declaratione: quàmque Tua negotia parcissimè æstimas, tam aliena effusissimè laudas. Qui profectò summus candoris, summus innocentiae fructus est. Nemo enim benè, nemo egregiè de omnibus sentire potest, nisi qui egregius qui optimus est. Nemo fucum expectat, priusquàm fecit, & si per gradus improbitatem subducimus, posterior suspicio, quàm scelus est. Iam humanitatem, benevolentiam, facilitatem, quis tam facillimè omnibus impertitur, quis tam libenter copiosissimos benignitatis suæ fontes etiam immeritis & indignis vult patere, quemadmodum Tu? Non est ad Te inuia, non est aspera semita, sed planissima, sed facillima, per quam licet minimis quoque, & quibus necdum præ verecundia firmati gressus, ad humanissimam Tuam peruenire dignitatem. Nullus est circa fores Tuas obsidentium tumultus, nullû in admittendis infimis fastidiû, audiuntur statim, dimittuntur statim. Si quid est in quo Tua inuocetur benignitas, in quo profusissima liberalitas imploretur, id tantâ facilitate, tam promptâ munificentia elargiris, ut nulla in dando mora sit, nisi quam verecundia faciat capientis. Præuenis etiam desideria cuiusque, sciensque quàm hominibus probis, molestum & onerosum, & demisso vultu dicendum est verbum illud Rogo: coniecis de cuiusque voluntate, & cum à Te intellecta est, grauissimâ eam liberâ necessitate obsecrandi: nec aliam mercedem desideras, nisi quam Tuæ Tibi rependit conscientia bonitatis. Maſte ILLVSTRISIME PRÆSVL his dotibus columbinis, cumque cæteræ omnes virtutes, tum hæ potissimum duæ candidissima simplicitas, & promptissima bonitas, constantissimè à Te teneantur. Hæ illæ virtutes sunt, quæ non omnium tantum nobis coniungunt animos, & fauentissimos conciliant affectus: verum etiam nunquàm è memoria humani generis exoleſcunt, neque in gratissimis Posterorum pectoribus, vetustatis vnquam iniuriâ exstinguuntur. Victoriæ, & bella, & triumphus celebrantur quidem, & victoris in ætates præconijs transmittuntur: sed tamen huiusmodi res, nescio quomodo etiam dum audimus, cum quadam animorum auersatione percipimus: quòd necesse est multum illis & cupiditatis, & odii, & inuidiæ, & crudelitatis, & simultatum immisceri. At verò cum aliquid clementer, mansuetè, moderatè fieri videmus: cum omnes promiscuè dignos indignosque, nunquam satis laudandâ benevolentia exornari, eorumque fortunam amplificari intelligimus: cum aliqui animum sine vlla simulationis nube, sine vllis latebris, candidum, rectum, ingenuum aduertimus; ut exurgimus animo ad talium virorum facilitatem prædicandam, ut alacri studio incendimur ad eos etiam, quos nunquam vidimus diligendos, ut eos qui hæc faciunt non summis modò viris comparamus, sed simillimos etiam DEO iudicamus. Simillimos dico. Non enim certiùs Diuinitatis, supremæ illius ab omni concretione mortali seiunctæ naturæ habemus argumentum, quàm beneficam, libera-

lem,

lem,
tius
ction
sua f
non
quæ
quen
pè qu
sa tot
dem i
dam n
& tri
riem c
men c
& in c
ILL
specul
& con
prouic
denter
Intueo
omnes
tem Re
get po
narrari
tur fac
lonix c
biles fa
mnes
cuncta
dimus i
profana
exhault
ſcripta
efferue
libido p
multis o
cus hum
rida vast
etiam si
Patrem
bus adu
nignitat

lem, la rgam & ad inferos vsq; se se extendentem benignitatē. Non euidentius magnitudinis signum, quàm quòd, cùm omnes omnium rerum perfectiones eminentiori quadam in eam confluant ratione, à purissima tamen sua simplicitate non recedat.

Iam me aliò vocant maiores virtutes Tuæ. Maiores? quasi verò non hæ quas memoravi maximæ sint: quasi verò non hæ dignissimæ sint, quæ non tantùm perfectas Tuas laudes absoluant; verùm etiam ad subsequendum memoriam sæculorum, victuris chartis inscribantur. Sed nempe quemadmodum qui in splendidissimum illud Cæli domicilium, & confusa tot astrorum velut castrorum agmina, suos defigunt obtutus, omnia quidem illa gratissimo splendore coruscare intuentur: inter ea tamen quædam maiora notant, quorum clarissimo nitore multò vberius horror noctis & tristes tenebræ dispelluntur. Ita mihi continuam virtutum Tuarum seriem contemplanti, quamvis nulla exigua, nulla parua videatur, sunt tamen quædam ampliores, & accuratiori studio in theatrum humani generis & in conspectum omnium gentium proferendæ. Videor enim mihi videre **ILLVSTRISIME PRÆSVL**, Te in altissima rerum Politicarum speculâ constitutum, de longè præcurrentem in omnes fortunæ partes, & consilijs facta præuenientem. Cerno animum illum Tuum igneum, prouidum, circumspectum, tanquam Iudicem pro tribunali rationis sedentem, & venturas Reipublicæ calamitates solertissimè præfagientem. Intueor prudentiam illam exactè omnia Reipublicæ negotia penetrantem, omnes eius morbos seriò expendentem, & per omnes omninò discurrentem Reipublicæ status, ne illa in eas prolaberetur calamitates, quas cùm leget posteritas, Græcorum sibi nugas, aut Ægyptiorum somnia putabit enarrari. Operæ pretium est referre quid Patria sustinuerit, vt intelligatur facilius, quid Tu eius gratiâ præstiteris. Exundauit in perniciem Poloniæ quasi Æthna aut Vesuuus mons latrocinij ille Suetici turbo: inexpleribiles sanguinis & Imperii Vandalici lupi, velut fulminanti procellâ, per omnes Poloniæ partes victoriæ tempestate delati, crudelitatis suæ imbre cuncta polluerunt. O dolor quæ non vidimus, quæ non passi sumus! Vidimus igne incensas populosas Vrbes, auctos sanguine spumantes fluuios, profanatas religiones sanctissimas, omnes angulos cædibus atq; vastitate exhaustos: occisione, inflammatione, euerfione, vniuersam Poloniam discerptam, concussam, laceratam; totamq; in nos malorum tempestatem efferuescentem; ac ne mortem quidem concessam, nisi quam imperantis libido præscribebat. Miserum id fuit spectaculum, sed tamen nobis cum multis commune: sic enim hæ bellorum desæuiunt flammæ, vt in iis locus humanitati non relinquatur; nec aliter pax permittatur, nisi dùm horrida vastitas, & mæstissima iuducitur solitudo. Non tenuimus lachrimas etiam si eas immensitas doloris consumpserat, dum Principem Optimum, Patrem Patriæ, vnicum labentium rerum columnen & præsidium, vrgentibus aduersis caput suum ægrè subducentem, & in sola Diuinæ fiduciâ benignitatis securitatem portumq; afflictis rebus suis collocantē conspeximus.

Dolen.

Dolendum id etiam fuit & tristissimum ostentum, sed REGIBVS tamen non infrequens, quorum tristes casus, & indignam REGALI fastigio sortem, exitus tandem mites excipiunt, & momento componunt fortunam iam prolapsam. Stupuimus permultos metu incumbentium malorum, aut in exteras sese recepisse Regiones; aut domi in opaca sylvarum lustra montiumq; secessisse latibula; aut fidem Principi semel datam eiurasse. Fuit id quoq; atrocissimum, & intimo à nobis mæroris exceptum sensu, sed tamen fuit ferendum; necessitati enim parendum esse, potentiumq; iras non prouocandas, imò declinandas haud aliter, quàm in nauigando procellam, omnes sapientes Viri docuerunt. At verò, quòd robur exercitus Poloni, firmamentum Patriæ, clypeus quo se illa contra omnia pericula protegebatur: quòd inquam vniuersæ Legiones Cœlo terrâq; inuitis, neglectâ conculatâq; Principis Patriæq; reuerentiâ, fidei se hostili commiserint, eius signa secutæ, arma, manus, animos, in Patriam hosti commodârint, ad communem libertatem oppugnandam incredibili quadam contumaciâ insurrexerint, iamq; in cervicem Reipublicæ districtos vibrârint gladios, id verò fuit eiusmodi, in quo omnis omnium malorum cladiumq; comprehensio, contineri videbatur. Nam quid erat, cur nostris tam deploratis rebus exitum aliquem feliciorem affuturum polliceremur, quando ipsis adminiculis, quibus adhærebamus, mergebamur: ipsis fulcris, quibus inniti poteramus obruebamur: ipsa auxilia nostræ securitatis, in metum nobis hostilitatis vertebantur. Tam miserâ rerum nostrarum in reuolutione, si quis fortè fatidicus, & Diuino afflatus spiritu, in ipso malorum omnium articulo, lugentibus & peiora metuentibus interuenisset, pollicitusq; fuisset, se tam miserabilem scenam facile compositurum, extorturum à furiosorum manibus arma sacrilega, subditos ad officium, contumaces ad obedientiam reduciturum, pacemq; omnia, otio, tranquillitate sopiturum, non ne aliis quidem, capite præsentis intuitu calamitatis moto, furere bacchariq;: al is præstrictis tanto miraculorum euentu, magnifica in speciem, re ipsâ difficillima promissa, vanissimâ spe obtrudere videretur. Inuentus tamen es Tu vnicus, **ILLVSTRISIME PRÆSVL**, cum incomparabili Herœe fratre Tuo, cuius industria, solertia, consilium, tantis rerum difficultatibus compescendis, abundè paresissent. Adiisti tumultuosos milites, & lenitatem eloquentiæ, prudentiam comitati, grauitatem humanitati, maturitatem suauitati placidissimè coniungens, incredibili quadam felicitate dicendi fregisti temeritatem insolentium, vicisti contumaciam ferocientium, moderatus es animis refragantium, cohibuisti iras, mouisti affectus, rapuisti corda, furorem & impetum exarmasti, vt illi dulcissimo Orationis Tuæ flumine deliniti, rursus magno animo pro legibus & libertate Patria, omnes periculosissimas dimicationes sese suscepturos, omni asseueratione confirmarent. Onatam saluti Reipublicæ Tuam **ILLVSTRISIME PRÆSVL**, dexteritatem! ô lætam calamitosissimis Patriæ rebus prudentiam & sedulitatem! ô prædicandâ & durissimis etiam saxi ac marmoribus ad nunquâ intermorituram memoriam insculpendam, in erigenda iacente Patria diligentiam

gentiam Tuam, & pietatem. Quid mihi vel ipsa veneranda antiquitas, celebrandis supra modum suorum virtutibus, nimium, quàm effusa, aut Mene Agrippam magnificis attollet præconiis, cuius facetissimus apologus seditiosæ Romanæ plebis in Auentinum montem secessionem mitigauit: aut Periclem Atheniensem supra modum prædicabit, quod is in domesticis discordiis sedandis Regnum quasi tenuisse videbatur: aut antiquum illum Nestorem, non citra læsæ suspitionem veritatis laudabit, cuius suauissimâ persuasione delinquitus igneæ, mentis & vigoris adolescens Achilles, cum Agamemnone in gratiam rediit: aut Antonios, Cicerones, Pompeios, Catones, sinè mensura, sinè modo decantabit; quorum in mitigandis exortis tumultibus mirifica fuit felicitas. Longè maiore, **TULLVSTRISIME PRÆSVL**, curâ à succedentis temporis obliuione vindicandus; longè amplioribus elogijs in ora cunctorum hominû, & sermones diffundendus: qui eam rem, ad quam ne spei nostræ quidem patebat aditus, tam facile perfecisti. Quid enim mirum est, hos quos memorauī Viros, tantum suâ Diuinâ facundiâ potuisse, cum non dum intimis fibris & medullis, in Rebus publicis excepti fuissent corrupti mores, cum in tanto numero ciuium semper maior extitisset bonorum multitudo. At verò Te in militari licentia admodum dissoluta, cum proiecto propè & exterso pudore, in omne genus audaciæ ferretur indomitæ; ita ijs officium suum sine exprobratione mirificâ sermonis suauitate exponere; ita dedecora, ignominias, infamiam in vniuersi Christiani Orbis conspectu contractam, sinè insultatione demonstrare potuisse: vt ij tandem desertis Suecorum partibus, ad auctoritatem Reipublicæ in posterum asserendam promptissimis animis cōspirârint, fuit profectò stupendæ cuiusdam inauditæ felicitatis. Ab illo namq; tempore feralis ille, nostrarum Prouinciarum terror, & fatale malum fastum pariter, & animos submisit: & cum omnia circūspiceret, non aliud sibi, nisi in fuga relictum vidit præsidium, nec exitum alium, nisi vt vinceretur. E conuerso apud nos omnibus redire amissus vigor, resumī intermissa fortitudo, offerri facultas, diuturnum iugum excutiendi; iamq; omnia in spem recuperandæ libertatis proniora: quia nobiscum in mutuam societatem cōire cæperamus.

Et licet ego facile concesserim alios sibi ex hac corona, placati conciliatq; exercitûs, flosculos laudis decerpturos, vindicatuosq; (neq; enim res tanta vnius operâ perfici potuisset) illa tamen pulcherrimâ Legationis ad **SERENISSIMVM ELECTOREM BRANDEBVRGICVM** susceptâ, feliciterq; perfectâ Prouincia, ita Tua est, vt eius socium habeas neminem, totaq; quanta, quanta est, Tibi debeatur. Ad cæteras maximas Reipublicæ calamitates, accesserat hæc etiam non minima, quod Elector Serenissimus vi fatorum, & publicis abreptus infortunijs, nec ipse contra torrentem exundantium malorum niti volens, in Suetici Regis fidem concesserat, eiusq; clientelæ se, suasq; Prouincias omnes commiserat. Moe-rebat Respublica, & vehementer angebatur, cum ab hostibus suis preme-retur, nè amicorum quidem sibi fidem superesse. Neq; aliud remedium,

F

nisi

nisi ut aliquis grauis & maturus vir mitteretur, qui tam latè patens ferale inter Christianos odium, conciliatis Principum animis sedaret, iamq; inclinatam Suecicam potentiam, eò validiùs etiam, disiuncto ab eo potentissimo Principe, ageret in ruinam. Cum in ea necessitate circumspiceret suos omnes, quinam acres illas & adultas restingeret flammæ, Tibi potissimum hanc curam delegauit. Infederat nimirum, & impressa erat omnium mentibus ea certissima spes; aut neminem, aut Te potissimum suis votis expectationibusq; satis facturum, cuius iam toties consilij maturitas fuisset perspecta luculenter, & probata. Et respondisti Tu certè desiderijs communibus tam abundè, ut nihil ultra in tam perplexo negotio requiretur. Eà enim facundiâ Serenissimo Electori miserabilem belli illius Catastrophen exposuisti; tam disertè ipsi per dissidia sociarum gentium, Pro- uinciarum vastitates, populorum funesta exilia & interneciones, Prussiam incolis exhaustam, fortunas cunctorum exinanitas explicasti, declarasti: tam clarè spectandam crudelitatem, lanienam, inhumanitatem demonstrasti: ut is partim domesticis malis, partim disertissimo Tuo sermone ad meliora consilia reuocatus, Sueticæ societati repudium dicere, nostrasq; rursus aquilas, nostram fortunam exorientem adorare, non recusarit. Res igitur præclarè cecidit, consilia pacis firmissima valuerunt: sed Tu **ILLVSTRIS- SIME PRÆSVL**, eius laudabiliter, & prudenter gestæ, amplissimum à **SERENISSIMO REGE** testimonium accepisti. Qui Tuum animum cuiusq; negotio perquam idoneum, prudentiam singularem, in di- rimendis litibus placandisq; felicem dexteritatem, fidem ubiq; & integritatem, boni publici amorem eximium, suspiciens sæpiùs & obseruans; quam- uis Te antea Abbatia Paradisiensi honorasset: minus id præmium iudicans, quàm ut eo consummatæ virtutes Tuæ compensari possent: nunc etiam Poseniensem Tibi Episcopatum, non sine incredibili benignissimæ vo- luntatis suæ propensione, & addictissimo virtutibus Tuis animo, contulit gloriosè. Decebat nimirum, ut cuius minoribus in honoribus & dignita- tibus exactissima laudabatur prudentia, maiore quasi in theatro publicis o- mnium oculis & amoribus subiecta cerneretur. Decebat, ut cuius in pe- ctore tam honesti in Patriam amoris ardebant flammæ, eidem hæc amplio- ris dignitatis suggererentur alimenta. Decebat ut cuius animus candidus, apertus, simplex, benignus, ad omnem comitatem, affabilitatem, medio- critatemq; semper conformatus apparuit, ab illo Rege, quo nullus æquior, nullus prudentior, nullus in summa fortuna maiori placabilitate tempera- tus extitisset, meritissimis Infulis donaretur. Atq; ad istum immortalem ac- perennem gloriæ splendorem, magna laudis, & admirationis publicæ fa- cta est accessio, quod raro exemplo, non fordida ambitione, non popu- laris fauoris captatione, non ementitis aliquibus titulis; sed laboribus pro Patria plurimis, hunc laborem sis consecutus. Merito igitur vniuersus sa- cer iuxta ac Equester Ordo, ad Te quasi ad propitium quoddam sidus effunditur. Merito circa Te quasi Principem suum apes, læta gestientis populi examina glomerantur. Merito Te non aliter aspiciunt cuncti, quàm

si no-

si no-
aure
stran
temp
faul

natu
DIO
cum
larat
SVL
gia p
tristi
nihil
temp
hi, c
dissin
trocin
gna e
Pasto
Tuæ l
discr
Tuæ
admin
demit
meis a
luti Ba
mihi c
ri vide
(ut R
si fidel
est: ce
guat in
ora in
in vob
cipe il
Sicut e
ties in
missilia
spergit
& subli
OPT
soles, in
& beni

si nouum quempiam intuerentur Solem, ex nubibus obscuris prodeuntem, aureoq; suorum radiorum fulgore, densam tenebrarum caliginem collustrantem. Merito Te ascendentem in illud primarium Cathedræ Tuæ templum, non tam pictis arcubus, aut portis triumphalibus, quàm potius faustissimis ominibus, acclamationibusq; lætissimis prosequuntur.

Quòd si quis inanimatis sensus est relictus, si non omni ea dulcedine natura spoliauit: crediderim ego vniuersum, qua latè patet Posnaniensem DIOCESIM mirificè, (postquam Te amplissimâ hac dignitate circum fulgentem, primariâq; in Cathedra confidentem est complexa) exhilaratam, sic etiam tenerrimo affectu salutare. Dolui vehementer PRÆSVL OPTIME, cùm mihi integerrimum Antistitem, cuius nunc vestigia premis, inuida & maligna fata rapuerunt. Obuersabantur mihi tunc tristissimæ cogitationes, & grauibus pectus meum perfodiebant doloribus; nihil mihi restare; nisi vt post decumanas calamitates, quibus me iniuriæ temporum afflixerant miserrimam vitam exspirarem: quando Fasciam mihi, cuius suauissimo vinculo caput meum ægrum stringebatur, cuius mundissimo linteo perennes meæ lachrimæ tergebantur, mortis sæuissimæ atrocitas implacabilis lacerauit. Sed nunc magnum mihi gaudium, magna exultatio est, quòd Te in miserijs meis tot votis expetiturum nacta sū Pastorem. Ea enim me sustentat spes à desideratissimo, Soleæ Crucisq; Tuæ lumine, doloris mei noctem dispellendam, à firmissimo robore pericula discriminaq; omnia proterenda. Dedisti mihi quasi perpetuum obsidem Tuæ in me voluntatis, præclarissimas illas Tuas dotes, & quam præcipuè admiror benignitatem, quâ Te ad infimorum etiam fauorem colligendum, demittere non recusas. Erexisti mihi quasi signum aliquod, ad bene rebus meis augurandum, quando prudentiam pietatemq; præmisisti, quarum veluti Balsami gratissimus odor, ad huc mihi dulce halat. Effecisti deniq; vt mihi de Te omnia summa pollicear, cùm Te tot virtutum decoribus stipari video, vt earum contemplatione mens perculsa fatigetur. Si etenim (vt Romanus loquitur Sapiens) semel traditi boni perpetua possessio est: si fideliter sedent, quæ in locum suum veniunt: si facilis boni moris tutela est: certè nec ego metuere deo, ne cælestis & eximia ista dignitas extinguat in Te studium innatæ Tibi probitatis; quin sperare possum, eam ampliora in Te supremi honoris tenente culmē incrementa sumpturam. Est enim in vobis ô magnæ mentes arcanum quiddam, quod natura vobis cum principe illo siderum, & perennis luminis fonte Sole, commune esse voluit. Sicut enim is non alio tempore copiosius suos diffundit radios, quàm quoties in altissimū Cæli fastigium eleuatur: ita vos non alio tempore liberalius missilia beneficentiæ vestræ, plenis manibus, in omne hominum genus dispergitis; quàm quoties à minori cæterorum sorte separati, altius eminentis, & sublimes honorum apices feliciter occupatis. Age tantum PRÆSVL OPTIME, & me vultu illo Tuo, quo mæsta multorum corda serenare soles, intuere. En tibi crudæ adhuc cicatrices meæ, hiantesq; patent plagæ, & benignitatis Tuæ salutaris medela volunt curari. Erige prostratam, medere

dere languenti. Occurrēt alibi palantes destitutæ plebis meæ greges, Pastoremq; desiderabunt : Pastor eris. Supplicabunt tot miseræ pupillorum orborumq; turbæ, Patremq; quærent : Pater eris. Venient potentiorum iniurijs exagitati ciues, defendiq; volent : defensor eris. Tentabit scrutabiturq; ouile Tuum Hæresis iuratus æternusq; gregis Christi hostis, excubādum erit : vigilabis. Deniq; ne omnia recenseam, sic Te in hoc theatro spectandum exhibebis, vt sis (prout Petrus Blesænsis loquitur) vitæ speculum, sanctitatis exemplum, oculus cæco, pes claudō, deliciæ plebis, columna Cleri, Deus Pharàonis, Minister Altissimi. Porro de euentu spes est, qualem adferre Deus & virtus potest. His enim ducibus, ita hæc omnia profligabis, vt celeberrimum Cælo terrâq; , plausum mereare. Hæc ad Te Tua illa **DI-OECESIS POSNANIENSIS** loquitur, quæ nobis etiam dum audimus, pariunt stuporem, eliciunt lachrimas, excitant lætitiā, eripiunt vocem, superant fidem.

At Nostræ etiam **ALMÆ VNIVERSITATIS** in publica Ordinum omnium hilaritate, quem sensum esse putas? Gaudet meherculè & lætatur, & intimis lætitijs hilarescit, Te olim Alumnum, nunc etiam Patronum suum, tantis efflorescere honoribus videns, quibus altiores non possunt cogitari. Et frueri, inquit, amplissimo isto honore, quem Tibi nobiles in Republica actiones pepererunt, frueri optatissimo virtutis & meritorum fructu, cresce etiam pro susceptis in Ecclesia Dei laboribus in hac dignitate, maioribus honorum insignibus coronandus : interea tamen mei, Altricis olim Tuæ, nunc etiam Laudatricis & Obseruatricis esto memor. Tu quidem nemini non beneficus, nemini non affabilis blandusq; es, & Antonino illi Pio, aut Theodosio comitate simillimus? sed præcipua Tibi tamen suscipienda cura meæ incolumitatis conseruandæ; ne tot annorum senio venerabilis eruditionis Polonæ Parens, prisci; Lechici candoris nidulus illi baptus, Tuo, cū me tot frementis inuidiæ circumfiliunt fluctus, eximio patrociniō videar destituta. Quidquid verò literarum mearum officiosa & Tibi semper deuincta hoc illustri beneficentiæ exemplo poterit recordatio, hoc omne ad prædicandam amplissimam hanc singularem protectionem à meis promptissimè cultoribus conferetur. Ita etiam Nostra Tibi Academia, auspiciatissimâ ista luce, submisit admodum & gratulatur, & precatur. At nos feruidis multisq; precibus Diuorum aures fatigabimus, vt sera sit, & Posteritandem nostris nota illa dies, quæ Te **ILLVSTRE PATRIÆ DEPOSITVM** Cælo donet: vt cū plenus immortalium ob præclarissima in omnes merita honorum satis gloriæ, satis Ecclesiæ, satis Patriæ, satis etiam literis nostris vixeris; tū demum in splendidissimum illud æternitatis Domicilium receptus æuo sempiterno perfruaris. **D I X I.**



BIBLIOTH. UNIV.



JAGELLONICÆ

Leam. 5.

o-
am
in-
ra-
bā-
oc-
n,
le-
em
is,
O I-
di-
vo-

Or-
e &
tro-
unt
s in
rum
ate,
ricis
qui-
nino
usci-
ene-
liba-
o pa-
sa &
atio,
em à
cade-
atur.
it, &
I Æ
larif-
triz,
m



